



Undirbúningsnefnd Læknadaganna var klappað lof í löfa fyrir vel unnið starf. Frá vinstri: Össur Ingi Emilsson, Gunnar Bjarni Ragnarsson, Ólafur H. Samúelsson, Gerður Gröndal, Arna Guðmundsdóttir og Margrét Aðalsteinsdóttir.

Læknadagar 2013

Öflugt og vandað vísindaping

Árlegum Læknadögum í Hörpu lauk föstudaginn 25. janúar eftir fimm daga törn; að vanda rak spekingaglíman endahnútin á þetta og fjölbreytta dagskrána sem staðið hafði sleitulaust frá því í bítíð á morgnana og fram á kvöld alla dagana. Læknafélag Reykjavíkur efndi síðan til árhátíðar á laugardagskvöldið með glæsilegum matseðli, gamanmálum og dansi.

„Ég er mjög sátt við þessa síðustu Læknadaga sem ég stýri,“ sagði Arna Guðmundsdóttir en hún tilkynnti á síðasta

ári að hún vildi láta af starfi sem framkvæmdastjóri Fræðslustofnunar Læknafélags Íslands. Við starfinu tekur Gunnar Bjarni Ragnarsson sem starfaði við hlið Örnú að skipulagi þessara Læknadaga og kvaðst hann taka við góðu búi. „Læknadagar eru í góðum farvegi og hafa fest sig í sessi hér í Hörpu. Húsið hentar okkur mjög vel og ég geri ekki ráð fyrir breytingum á fyrirkomulagi þeirra. Ég sé fyrir mér að við munum leggja enn frekari áherslu en áður á tæknilegu hliðina og munum reyna að taka upp á myndbönd sem mest af fyrirlesturum og málþingum



Gísli Vigfússon og Haukur Hjaltason höfðu margt að spjalla.



Margrét Aðalsteinsdóttir og Arna Guðmundsdóttir ánægðar með árangurinn.



Engilbert Sigurðsson, Arna Guðmundsdóttir, Þorbjörn Jónsson, Magnús Karl Magnússon, María Heimisdóttir, Georg Bjarnason og Ásgeir Bjarnason.



Tveir höfðingjar. Tryggvi Ásmundsson og Steinn Jónsson.



Geðlæknarnir Páll Matthíasson, Guðrún Geirsdóttir, Sigurlaug Karlsdóttir, Ómar Hjaltason og Halldóra Ólafsdóttir.



Deildarlæknarnir Hulda Ásbjörnsdóttir, Ásgeir Þór Mátsson og Guðbjörg Jónsdóttir.

svo hægt sé að leggja efnið út á vef Læknafélagsins í kjölfar Læknadaganna. Þá stefnum við að því að hafa hluta Læknadaganna á ensku til að þeir hafi aukið aðdráttarafl fyrir erlenda kollega okkar.“

Að sögn Margrétar Aðalsteinsdóttur á skrifstofu Læknafélagsins sem sinnt hefur framkvæmd Læknadaganna var aðsókn heldur minni í ár en í fyrra. „Það á sér þó eðlilegar skýringar, nokkuð var um forföll vegna veikinda, en þrátt fyrir það voru um 800 manns skráðir og verður það að teljast nokkuð góð aðsókn.“

Af þeim þátttakendum sem *Læknablaðið* ræddi við á göngum Hörpu á milli málþinga og fyrirlestra þá nefndu þeir fjölbreytnina



Þessar þrjár náðu vel saman á Læknadögum: Hrönn Harðardóttir geðlæknir, Dagný Kristjánsdóttir bókmenntafræðingur og Bryndís Benediktsdóttir heimilislæknir - þær slógu botninn í málþing um sjúklinginn og læknislistina í bókmenntum með því að ræða tvær nýjustu bækur Steinunnar Sigurðardóttur, Jójó og *Fyrir Lísu*, en í þeim bókum er kynferðisleg misbeiting og grafalvarlegar afleiðingar hennar í brennidepli. Síammynd: Védís.



sem stærsta kost Læknadaganna og vildu einnig undirstrika gæði fyrirlestanna. „Við eigum orðið mjög sterkan og breiðan hóp öflugra vísindamanna í læknisfræði,“ sagði einn viðmælanda og fleiri tóku undir það. Erlendir fyrirlesarar juku einnig á fjölbreytni og gæði dagskrárinnar. Er það samdóma álit allra viðmælanda að Læknadagarnir séu öflugt og vandað vísindaping sem þó tekur sig ekki alltof hátíðlega því í bland við alvöru vísindanna var brugðið á leik í upphafi með endursögn Óttars Guðmundssonar og félaga um geðveiki í Brennu-Njálssögu og síðan með fróðleik og gríni í lokin með Spekingaglímu undir stjórn Gunnars Guðmundssonar.

A-liðið: Hjalti Már Þórisson, Guðrún Eiríksdóttir og Arnar Geirsson.



Glimustjórinn Gunnar Guðmundsson brosti breitt og sagði þetta verða sína síðustu keppni.



Ómar Sigurvin Guðmarsson, Marianna Garðarsdóttir og Svanur Sigurbjörnsson skipuðu B-lið spekingaglímunnar.



Óttar Guðmundsson renndi sér yfir Njálssögu með tónðæmum úr íslenskrri dægurtónlist ásamt Jóhönnu Þórhallsdóttur söngkonu og hljómsveit, Aðalheiði Þorsteinsdóttur, Gunnari Hrafnssyni og Kjartani Guðnasyni.



Arna Guðmundsdóttir afhenti Gunnari Bjarna Ragnarsyni Læknadagana til umsjónar og voru bæði jafn ánægð.